

Kontuola

ANTZUOLA / Egubakoitza / 2005eko irailaren 23a / 257. zenbakia

KOORDINATZAILEA: Aintzane Irizar • Barrenkalea 33 BERGARA 20570 • Tel.: 943 25 05 02 • Faxa: 943 25 05 13 • Posta elektronikoa: kontuola@goiena.com • Lege gordailua: SS1179/02

Ibarre auzoa urbanizatzeko proiektua onartu dute iraileko osoko bilkuran

AINZANE IRIZAR

Iraileko osoko bilkuran, besteak beste, Ibarre auzoa urbanizatzeko proiektua onartu zuen udalbatzarrek. Proiektua onartuta, gutxi barru aterako dituzte urbanizazio lanak lehiaketa publikora. Lanen aurrekontua ia 160.000 eurokoa izango da.


Aurrera doa Ibarre auzoa urbanizatzeko prozesua. Dagoeneko onartu dute urbanizazio proiektua; iraileko osoko bilkuran eman zion onarpena Udalak.

Urbanizazio lanen aurrekontua da 159.594 eurokoa. Behin proiektua onartuta, las-ter lehiaketa publikora aterako dituzte urbanizazio lanak. Seguruena, datorren hileko osoko bilkuran onartuko dituzte baldintza pleguak.

AUZOARI ESPAZIOA EMAN

Auzoari espazioa ematea da proiektu berriaren helburua. Gauzak horrela, eremu berria zabalagoa izango da; zabalera, zazpi metro gehiago izango ditu, eta luzeran, berriz, hamaika metro irabaziko ditu.

Batetik, aparkalekuak egingo dituzte; 24 autorentako tokia egongo da. Aparkalekuetako bat gutxitu fisikoendako izango da.



VALEN MORLUX

Udalak egindako irudia; gutxi gorabehera horrela geratuko da Ibarre auzoa.

Orain aparkaleku gutxi daude eta, gainera, ez dira batere erosoak, bereziki, igogailuak jarri zituztenetik.

Auzotarrak egoteko espazio librea ere egingo dute. Horrek ere espazio zabalagoa emango dio auzoari. Alde batetik, umeendako jolasak jarriko dituzte; 80 metro koadro izango du espazio

*Umeendako jolasak,
24 aparkaleku eta
zona berde txiki bat
egingo dituzte
urbanizazio lanetan*

horrek. Bestetik, zona berde txiki bat ere izango du auzoak.

Azkenik, aipatzekoa da lan hauen aurrekontuaren zati handi bat Diputazioak hartuko duela bere gain. Izan ere, diru-laguntza berezi bat izango dute lanok; 2.000 biztanletik beherako herriei ematen zaiena. %60 ordainduko du Diputazioak.

HEZKUNTZA

Helduendako Heziketa Iraunkorreko eskolan izena emateko aukera irail osoan zehar

A.I.

Irail osoan zehar izango dugu aukera Helduendako Heziketa Iraunkorreko eskolan izena emateko. Gure ezagupenak eguneratzeko, gauza berriak ikasteko edo bigarren hezkuntzako graduatua ateratzeko aukera eskaintzen digu eskola horrek, Antzuolatik irten beharrik gabe.

Urrian hasiko dituzte Helduendako Heziketa Iraunkorreko eskolak, Antzuolan, Herri Ikastetxearen eraikinean.

Izena emateko epea irailean bukatuko da; hilabete osoan zehar Olanan Etxean egongo da irakasle bat, asteleheneetik egubakoitzera, 15:00etatik 17:00etara. Hantxe izango dugu izena emateko aukera, baita informazio gehiago jasotzekoa ere. Ize-

na emateko beste aukera bat da honako telefono zenbaki honetara deitzea: 943 76 44 52.

Gure ezagupenak eguneratzeko, gauza berriak ikastea edo bigarren hezkuntzako graduatua ateratzeko aukera horietan eskaintzen dizkigu HHik.

Orain dela zortzi bat urte hasi ziren Antzuolan. Orditik, hainbat antzuolarrek jardun dute, emakumezkoak gehienak.

XI. ARGAZKI LEHIAKETA

Udalak hamaikagarren aldiz abian jarri du argazki lehiaketa. Argazki digitalak ere aurkeztu daitezke. Lanak udaletxean aurkeztu behar dira urriaren 27a baino lehen edo honako helbidera bidali: kultura@antzuola.net. Azaroaren 5ean, 6an, 12an eta 13an erakusketa egingo dute aurkeztutako argazki guztiakin. Sariak orduan banatuko dituzte.

LABUR

Ipuin kontalaria izango dugu bihar, zapatua

Bihar, zapatua, Behibiti's taldeko ipuin kontalaria izango ditugu. Udal Liburutegiaren egingo dute ipuin kontalaria saioa, arratsaldeko sei ordu hasita. Hiru eta sei urte bitarteko umeei zuzenduta dago ekitaldia. Ikasturtean zehar era horretako saio ugari antolatzen ditu liburutegiak.

Gazte mailako taldeak hasi du denboraldia

Orain dela bi asteburu hasi zuten denboraldia gazte mailako futbol taldeak; hortaz, bi partidu jokatu dituzte dagoeneko.

Lehenengo partidua etxean jokatu zuten, Eztalako futbol zelaietan. Amaikak Bat taldearen aurka, eta 2 eta 3 golekin irabazi zuten.

Bigarren partidua, berriz, kanpoan jokatu zuten. Orain taldearen aurka; bigarren partidua irabazi egin zuten. Hiru golekin sartu zizkieten oriotarrei, eta 3 irabazi zuten. Erregional mailako taldeak oraingo asteburuan jokatu du denboraldiko lehenengo partidua Aretxabaletaren aurka.

Bi futbol talde bakarrik izango ditugu aurtan

Aurreko denboraldian bi futbol talde izan zituzten Antzuola Kirol Elkarteak; aurtentzen, berriz, azkenean, bi bertatik ez ditu izango: erregional mailakoa eta gazte mailakoa. Infantilen taldeak emakumezkoena eta kadete mailakoa ez ditugu izango aurtentzen. Talde horiek ez osatzen ren arrazoiak izan da jende gutxiarenaren. Bai kadeteen kasuan, bai nesken kasuan, taldeak osatzeko jende nahikorik ez zegoen katean. Infantilen kasuan, berriz, oraindik ez dakite taldea osatuko duten alaiak; aurtentzen hasiko dute denboraldia.

ELKARRIZKETA

MIKEL KOKA/DANTZA IRAKASLEA

“Denok daukagu edozein dantza ikasteko gaitasuna”

Urriaren 8tik dantza ikastaroa eskainiko dute Mikel Kokak eta Marian Bravok. Tangoa, baltsea, pasodoblea, rumba... Denetarikoz dantzak ikasteko aukera izango dute ikasleek. Mikel Koka irakaslearekin berba egin dugu.

Ze dantza mota ikasiko dute zuen ikasleek?

Hastapen ikastaro bat izango da, eta dantza mota mordo bat ikasiko dugu; mota bakoitzetik urrats batzuk ikasiko ditugu. Tangoa, baltsea, pasodoblea, rock-and-rolla, txa-txa-txa, mambo-rumba, salsa eta fox.

Zer behar da dantzari ona izateko?

Gogo handia eta pazientzia; horrek esan nahi du lan handia egin behar dela, asko praktikatu behar dela.

Zuen ikasleen artean, imajinatzen dut gehiago izango direla neskak mutilak baino.

Bai, beti izaten dira neska gehiago; dena dela, gaur egun garai baten baino askoz gehiago animatzen dira mutilak.

Baina, berezko zer bait ere beharko da, ezta?

Hasteko, ez, nik uste dut oinarriko maila bat lortzeko gai dela edozein. Edozeinek daukagu ia edozein dantza mota dantzatzeko gaitasuna. Beste gauza bat da goi mailako dantzaria izateko behar dena. Artistikoki zela espresatzen zaren oso garrantzitsua da goi maila horretan, berezko sena behar da.

Kalean eta tabernetan geroago eta gutxiago dantza egiten du jendeak, ezta? Zure ustez, zergatik gertatzen da hori?

Kontua da guk erakusten ditugun dantza mota gehienak leku eta saloi jakinetan bakarrik jartzen dituztela; hortaz, hara joan ezean, ez dugu jendea dantzan ikusiko. Edozein tabernetan ez dizu-

te tango bat edo pasodoble bat dantzatzeko aukera eskaintzen. Bestalde, rumba bat jartzen badute, nik uste dut jende askok dantza egiten duela.

Zeu zela sartu zinen dantzaren munduan?

Marian Bravorekin batera eskainiko dut Antzuolako ikastaroa; Errenteriako Ereintza dantza taldekoak gara biok. Marian, gainera, euskal dantzen irakaslea da Errenteriako kontserbatorioan. Euskal dantzeekin hasi ginen eta dantzarekiko zaletasuna hortik datorrigu. Orain dela hogeit hamar urte hasi ginen beste-lako dantzak ikasten. Tarteka, Antzuolako bezalako ikastarok eskaintzen ditugu.

Zuretako, zer da dantza?

Dagoeneko bizio bihurtu den zaletasun bat. Hasten zara gustatzen zaizulako, batera eta bestera mugitzen zara, eta ohartu orduko, konturatzen zara ezin zarela mundu horretatik irten.

Ze dantza mota gustatzen zaizu gehien zeuri?

Tangoa; gustukoena eta zailenetakoa. Baltsea ere gustatzen zait; urratsetan sinplea da, baina, erritmoan nahiko zaila.



KONTUOLA

HERRITARRENHITZA/Ainhoa Ugarteburu · Langilea

Kreditu txartela

Bukatu da udia, baita oporrak be, gure bizimodu estresante eta nahasi honetatik ihes egiten laguntzen doskuenak.

Merezi ditudugu, lan erritmu gogorra da, asko eskatzen dau, lan ordu asko sartzen ditudugu, eta gure lantokixetan, geruago eta gehiago eskatzen doskue. Ordu estrak sartzia, zapatu goizak, errelebotan lan egittia... Hiru, lau eta bost errelebotan lan egittia askok eta askok ezagutzen dau.

Gehixenetan, ez beti baina, sarixa eukitzen dau horrek, diru sarixa noski.

Dirua. Horixe da eta ointxe nagusi gure inguruan. Lan egin, dirua irabazi, ez dakitt asko ala gutxi, baina, dirua irabazi, eta gastau. Ta barra-barra, gainera. Arrazoiak asko izan leizke. Gauzak garesti darelako, etxiak, eskolako materiala, argixa, gasa, telefonia, bankua. Baina baita bestela be...

Batez be, gastatziak statusa emuten dabelako. Askotan



“Dirua. Horixe da nagusi. Lan egin, dirua irabazi eta gastau”

Dana materiala da, mekanikua. Lantokixan pasau astia, ta

zentsugabekerixara be ailegatzen gara, geure aparientzia zaletasun horrekin, ta alde batetik barregarria iruditzen baldin bajaku be, nork ez dau inoiz kanpora begira zer bait egin?

Dinamika absurdo baten sartuta garenan irudipena daukat. Produzidu-kontsumidu-produzidu...

merkatal zentruetan asteburua. Leku itxi batetik beste leku itxi batera. Aisialdixa kontsumuarekin lotuta dago. Komeni ez jakuna be erosi. Ta hori ordaintzeko lan egin... Ta berriz gastau. Azkar, prisekin...prentsau barik.

Deshumanizatuaz goiaz, erremedixo barik, sistema honen txontxongilo batzuk besterik ez gara.

Batzuek esaten dabe, erritmu jaitsi biharko ginuke-la, luzera kalte besterik ez baitau egiten bizimodu honek, ez bakarrik guri, baita mundu osuari be. Igual arrazoia dauke.

KIROLA

PARTIDUAK

FUTBOLA

Irailak 24
12:00: Antzuola-Zestoa (Gazteak)
16:30: Antzuola-Aretxabaleta (Erreg.)

PILOTA

Irailak 24 (Gipuzk. Kluben Txap.)
17:30: Olalde-Intza (Nagusiak)

EMAITZAK

FUTBOLA

Orioko 0 Antzuola 3 (Gazteak)

PILOTA

Gipuzkoako Kluben Arteko Txap.
Añorga-Olalde (Gazteak) 2-22
Lazkao-Olalde (Nagusiak) 15-22

LEKY-BERRI MERENDEROA

Janariak eta edariak

Tf. 943 76 60 94 ANTZUOLA

DEKORAZIOA

ABAD

PINTURAK

ANTZUOLA

PAPER PINTATUAK

Jose Gomez Abad

Errekalde 6, 4-B. Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA

EGAÑA

Era guztietako arotz lanak

Tarima eta parketa jartzea
Zoruen kutxilatutako eta barnizatuak

Kalegoi 21, ANTZUOLA Tel.: 943 76 64 23